



Inatsisartunut ilaasortaq  
Mikivusuk Thomassen  
Inuit Ataqatigiit

## **Isumaginninnermi suliassat pillugit § 37 naapertorlugu apequtit nr. 2019-247-p akineqarnera**

Asasara Mikivusuk Thomassen

Apequtitnut nassiuqqartunut Naalakkersuisut qujapput.

### **1. Oqartussaasoqarfiit assigiinngitsunik suliallit isumaginninnermi suliassat pillugit suleqatigiinnissaannut inatsisartut peqqussutaat nr. 14, 1. november 1982-meersoq ullutsinnut naleqqussarlugu nutartertariaqarnera Naalakkersuisut qanoq isumaqarfigaat?**

Inatsisartut peqqussutaat matumani pineqartoq qanganisaammat, soorlu aamma isumaginninnermik- aamma pitsaaliuinnermik suliassaqaarfimmi soqutiginnittut taakkua peqataaffigisaannik allanik siunnersuisooqatigeeqartoq, aalajangiisartoqartoq aamma ataatsimiititaliaqartoq Naalakkersuisut ilisimavaat. Isumaginninnermik- aamma pitsaaliuinnermik suliassaqaarfimmi siunnersuisooqatigiit, aalajangiisartut aamma ataatsimiititaliat pillugit ajornanginnerusumik aqqissuussisoqarsinnaannginnersoq pillugu Naalakkersuisut qulaajaannissamik pilersaaruteqarput. Ataatsimiinnermi ulloq 10. maj 2019-imi pisumi Naalakkersuisut Naalakkersuinikkut Ataqatigiissaarisooqatigiinnut tamanna pillugu ilisimatitsipput.

Aqqissuussinernik inatsisillu allanngortitsinissamik pisariaqartitsisoqarnersoq qulaajaanermi erseqqissarneqassaaq. Matumani aamma Inatsisartut peqqussutaani pineqartumi allanngortitsinissamik pisariaqartitsisoqarnersoq ilanngullugu.

Taamaattoq isumaginninnermi suliassat pillugit kommunit oqartussaasoqarfinnik assigiinngitsunik sulialinnik suleqateqarnerat Inatsisartut peqqussutaatigut killilersorneqanngilaq. Taamaammallu kommunit taakkuunerupput oqartussaasoqarfiit assigiinngitsunik suliallit akornanni suliassat assigiinngitsut suleqatigiissutiginnissaat pillugit kaammattortariallit.

#### **a. Naalakkersuisut nutarterinissamik isumaqarunik, qanoq allanngortinneqassanersoq eqqarsaateqarpat?**

22-07-2019  
Suliap normua.: 2019 - 16284  
Akt. id. 11164896

Postboks 260  
3900 Nuuk  
Oqarasuaat (+299) 34 50 00  
Naqitanik nassitsigassuaat +299  
34 66 66  
E-mail: iian@nanoq.gl  
www.naalakkersuisut.gl

Qulaajaaneq naammasseriarpat qulaajaanerullu inatsisitigut allannguinnissaq peqqutissaqartoq takutippagu, taava pisariaqartinneqartumik inatsisitigut alloriartoqarumaarpoq. Aamma apeqput 1-imut akissut takuuk.

**b. Naalackersuisut nutarterinissamik isumaqanngikkunik, sooq aaqqinneqarsinnaannginneranik sunik nassuiaatissaqarpat?**

Apeqput 1-imut aamma 2-mut akissutit takukkit.

Inussiarnersumik inuulluaqqusillunga

  
Martha Abelsen